

Na osnovu člana 8. i člana 26. Zakona o javnim preduzećima u Federaciji Bosne i Hercegovine ("Službene novine Federacije BiH" broj: 8/05, 81/08, 22/09 i 109/12), a u vezi sa članom 271. Zakona o privrednim društvima ("Službene novine Federacije BiH" broj: 80/15, 75/21), člana 27. i 39. Statuta Javnog preduzeća "Tržnica" d.o.o. Zenica broj: 02-01-5294/08 od 06.03.2008.g. (sa svim izmjenama i dopunama istog) i Odluke Nadzornog odbora broj: 2921/21 od 10.11.2021., a po dobijenoj saglasnosti Gradonačelnika u funkciji Skupštine preduzeća, raspisuje se

**JAVNI KONKURS  
ZA IZBOR I IMENOVANJE ČLANOVA ODBORA ZA REVIZIJU  
JAVNOG PREDUZEĆA "TRŽNICA" D.O.O. ZENICA**

**I**

Raspisuje se javni konkurs za izbor i imenovanje članova Odbora za reviziju JP „Tržnica“ d.o.o. Zenica i to predsjednika i dva (2) člana, od kojih najmanje jedan (1) član Odbora za reviziju mora biti iz reda ovlaštenih revizora.

**II**

**(Izbor i imenovanje, mandat i naknada)**

Predsjednika i članove Odbora za reviziju JP „Tržnica“ d.o.o. Zenica imenuje Skupština preduzeća na mandatni period od četiri (4) godine, a na prijedlog Nadzornog odbora nakon izbora najkvalifikovanijih kandidata izvršenog na osnovu provedenog postupka po javnom konkursu.

Iznos novčane naknade za predsjednika i članove Odbora za reviziju određuje se odlukom Skupštine preduzeća, a isplaćuje iz sredstava ovog javnog preduzeća.

**III**

**(Opis pozicije)**

Nadležnosti i odgovornosti Odbora za reviziju regulisane su Zakonom o javnim preduzećima, Zakonom o privrednim društvima, Statutom preduzeća i dr. važećim propisima, i to posebno da:

- imenuje vanjskog revizora, razmatra izvještaj vanjskog revizora i očituje se o datom mišljenju i eventualnim preporukama;
- razmotri godišnju studiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- svakog mjeseca podnosi Nadzornom odboru sažete mjesečne izvještaje o svojim sastancima, te daje preporuke za provođenje mjera i aktivnosti na uklanjanju uočenih nepravilnosti;
- izvrši reviziju polugodišnjeg i godišnjeg izvještaja o poslovanju i finansijskog obračuna i istovremeno kontrolu usklađenosti poslovanja preduzeća i funkcioniranja organa preduzeća sa Zakonom o privrednim društvima i drugim relevantnim propisima i osnovnim principima korporativnog upravljanja i o tome sačini izvještaj koji dostavlja Nadzornom odboru i Skupštini preduzeća, najkasnije 8 dana po okončanju revizije;
- izrađuje pismeni izvještaj o izvršenoj reviziji godišnjeg plana poslovanja koji dostavlja Nadzornom odboru i Skupštini preduzeća;

- izradi mjesečni pregled podnesenih izvještaja Uprave o nabavci, te pismeno izvijesti Skupštinu ili drugo nadležno tijelo Preduzeća o bilo kakvom kršenju važećih propisa o javnim nabavkama;
- ovlašten je da zahtijeva sazivanje sjednice Nadzornog odbora i Skupštine kada utvrdi nepravilnosti u radu Uprave, predsjednika ili članova Nadzornog odbora;
- osigura da interne kontrole u preduzeću budu adekvatne i da funkcioniraju kako je predviđeno;
- daje mišljenje na prijedlog Uprave o načinu raspodjele dobiti odnosno pokrića gubitaka Nadzornom odboru;
- donosi Poslovnik o radu Odbora za reviziju;
- obavlja i druge poslove u skladu sa zakonom, Statutom preduzeća i drugim važećim propisima.

#### IV (Uslovi)

Kandidati koji se prijave na konkurs moraju ispunjavati opće i posebne uslove kako slijedi:

##### A.) OPĆI USLOVI:

1. da je državljanin Bosne i Hercegovine;
2. da je stariji od 18 godina;
3. da nije otpušten iz državne službe kao rezultat mjere na bilo kom nivou vlasti u BiH, u periodu od 3 (tri) godine prije dana objavljivanja ove upražnjene pozicije za kandidate koji rade ili su radili u državnoj službi;
4. da se na njega ne odnosi član IX 1 Ustava BiH;
5. da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima;
6. da nije osuđivan za krivično djelo i prekršaj nespojiv sa dužnošću člana (predsjednika i dva člana) Odbora za reviziju JP "Tržnica" d.o.o. Zenica, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
7. da se protiv njega ne vodi krivični postupak;
8. da nije lice kojem je pravosnažnom presudom Suda zabranjeno obavljanje aktivnosti iz nadležnosti Odbora za reviziju;
9. da nije izabrani zvaničnik, nosilac izvršnih funkcija u smislu Zakona o sukobu interesa u institucijama vlasti BiH i Zakona o sukobu interesa u organima vlasti F BiH;
10. da nije član Nadzornog odbora ili Uprave preduzeća, zaposlenik preduzeća, niti da ima direktni ili indirektni finansijski interes u JP „Tržnica“ d.o.o. Zenica u smislu člana 14. Zakona o javnim preduzećima.

##### B.) POSEBNI USLOVI:

1. da ima visoku stručnu spremu (VSS)- završen pravni ili ekonomski fakultet;
2. da ima najmanje 5 (pet) godina radnog iskustva u struci i spremi u okviru tražene VSS;

Kandidati koji posjeduju certifikat za zvanje ovlaštenog revizora dužni su isti dostaviti uz prijavu na konkurs.

C.) Prilikom procjene kvalifikacija i iskustva kandidata uzet će se u obzir i sljedeće:

- posjedovanje certifikata ovlaštenog revizora;
- sposobnost za odgovorno obavljanje dužnosti člana Odbora za reviziju
- znanje i sposobnost razumijevanja finansijskih i poslovnih izvještaja, poznavanje privrednog prava i propisa u području djelovanja Odbora za reviziju
- komunikacijske i organizacijske sposobnosti
- rezultati rada ostvareni tokom dosadašnjeg rada
- eventualne preporuke ranijih neposrednih rukovodilaca/poslodavaca.

V

(Traženi dokumenti)

Kandidati koji se prijavljuju na javni konkurs, dokazuju ispunjavanje naprijed navedenih uslova (iz tač. IV konkursa), na način da, **uz potpisanu prijavu na konkurs** (koja sadrži kraću biografiju, adresu i kontakt telefon), prilože traženu dokumentaciju u originalu ili ovjerenoj fotokopiji koji ne smiju biti stariji od tri (3) mjeseca i to kako slijedi:

1. Uvjerenje o državljanstvu;
2. Izvod iz matične knjige rođenih ili ovjerena fotokopija CIPS-ove lične karte;
3. potpisana izjava kandidata, ovjerena od strane nadležnog općinskog organa ili od strane notara da nije otpušten iz državne službe kao rezultat mjere na bilo kom nivou vlasti u BiH, u periodu od 3 (tri) godine prije dana objavljivanja ove upražnjene pozicije za kandidate koji rade ili su radili u državnoj službi;
4. potpisana izjava kandidata, ovjerena od strane nadležnog općinskog organa ili od strane notara da se na njega ne odnosi član IX 1 Ustava BiH;
5. potpisana izjava kandidata, ovjerena od strane nadležnog općinskog organa ili od strane notara da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima;
6. potpisana izjava kandidata, ovjerena od strane nadležnog općinskog organa ili od strane notara da nije osuđivan za krivično djelo i prekršaj nespojiv sa dužnošću člana (predsjednika i dva člana) Odbora za reviziju JP "Tržnica" d.o.o. Zenica, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
7. potpisana izjava kandidata, ovjerena od strane nadležnog općinskog organa ili od strane notara da se protiv njega ne vodi krivični postupak;
8. potpisana izjava kandidata, ovjerena od strane nadležnog općinskog organa ili od strane notara da nije lice kojem je pravosnažnom presudom Suda zabranjeno obavljanje aktivnosti iz nadležnosti Odbora za reviziju;
9. potpisana izjava kandidata, ovjerena od strane nadležnog općinskog organa ili od strane notara da nije izabrani zvaničnik, nosilac izvršnih funkcija u smislu Zakona o sukobu interesa u institucijama vlasti BiH i Zakona o sukobu interesa u organima vlasti F BiH;
10. potpisana izjava kandidata, ovjerena od strane nadležnog općinskog organa ili od strane notara da nije član Nadzornog odbora ili Uprave preduzeća, zaposlenik preduzeća, niti da ima direktni ili indirektni finansijski interes u JP „Tržnica“ d.o.o. Zenica u smislu člana 14. Zakona o javnim preduzećima;
11. Diploma o završenoj traženoj VSS;

12. Potvrda/uvjerenje o radnom iskustvu u okviru tražene visoke stručne spreme, izdato od poslodavca;
13. Certifikat ovlaštenog revizora (ukoliko isti posjeduje).

Pored navedenog, kandidat uz prijavu može dostaviti i pismenu preporuku ranijih neposrednih rukovodilaca /poslodavca (ukoliko istu posjeduje).

**Napomena:** Izabrani kandidat, a prije imenovanja, dužan je dostaviti potvrde/uvjerenja nadležnog organa o ispunjavanju uslova iz tač. 6.,7. i 8. Općih uslova iz ovog javnog konkursa.

## VI

Svi kandidati koji ispune formalno pravne uslove konkursa bit će pozvani na intervju koji provodi komisija u roku od **14 (četrnaest) dana** od dana isteka roka za podnošenje prijave. Podnosioci prijave sa kojima se ne stupi u kontakt u navedenom roku neće se uzeti u razmatranje u daljnjem toku postupka, bez obaveze posebnog dostavljanja odbijenice.

Pozvani kandidati koji ne pristupe na zakazani intervju, smatrat će se da su odustali od konkursa.

Konkurs će biti objavljen u "Službenim novinama Federacije BiH", dnevnom listu "Oslobođenje" i na web stranici JP "Tržnica" d.o.o. Zenica i ostaje otvoren 15 dana od dana objavljivanja ovog javnog konkursa u „Službenim novinama FBiH“.

Prijave sa traženim dokumentima, koje se neće vraćati kandidatima bez posebnog zahtjeva, treba dostaviti u zatvorenoj koverti, lično ili preporučeno poštom na adresu:

**JP "Tržnica" d.o.o. Zenica, Ul. Maršala Tita broj 48,**

**72 000 Zenica, sa naznakom :**

**"PRIJAVA NA JAVNI KONKURS ZA IZBOR I IMENOVANJE ČLANOVA ODBORA ZA  
REVIZIJU JP „TRŽNICA“ D.O.O ZENICA- NE OTVARATI !"**

Na poleđini koverta je obavezno naznačiti ime i prezime i adresu podnosioca prijave. Nepotpune i neblagovremene prijave neće se razmatrati.

**Nadzorni odbor JP "Tržnica" d.o.o. Zenica**